

Geagte Ouers

INSKRYWINGS 2017 – PRE-GRAAD R / GRAAD R


1. Dit is vir ons 'n voorreg om die Inskrywingspakket, vir toelating tot ons skool, aan u beskikbaar te stel. Druk asseblief al die betrokke dokumente (Toelatingsvorm, Debietordervorm, Finansiële onderneming en Vertroulike Inligting omtrent u kind). Voltooi, teken en heg al die nodige dokumente aan, en stuur dit terug aan die Laerskool se inskrywingsbeampte. Toelating sal slegs oorweeg word, sodra alle betrokke dokumente voltooi, geteken en ontvang is.
2. Vir die eerste fase van inskrywings, moet die voltooide Inskrywingspakket ons vanaf 1 Februarie 2016, maar nie later nie as 11 Maart 2016, bereik nie. Indien ons nie in staat sou wees om alle leerders binne die voedergemeenskap te akkommodeer nie, sal die datum van u aansoek in ag geneem word. Moet dus nie wag tot die sluitingsdatum nie. Indien u kind deur ons skool aanvaar word, sal u voor / op 24 Junie 2016 skriftelik daarvan verwittig word. Alle aansoeke wat na 11 Maart 2016 ontvang word, sal op 'n waglys geplaas word. Slegs beskikbare plekke sal daarna gevul word.
3. As gevolg van die omvang van die skool se voedergemeenskap en uitbreidings binne hierdie area, kan die skool SLEGS leerders akkommodeer wat permanent binne hierdie voedergemeenskap woonagtig is. Neem asseblief kennis dat 'n permanente adres binne Laerskool Kenridge se voedergemeenskap steeds 'n voorvereiste is vir plasing in Graad Een. Aanvaarding in Pre-Graad R en/of Graad R verseker nie noodwendig aanvaarding by die Laerskool, indien u adres nie meer binne ons voedergemeenskap is nie.
Sou u buite die skool se voedergemeenskap woon, sal u aansoek op 'n waglys geplaas word. Toelating is dan onderhewig aan 'n plek in die onderskeie klasse. Hierdie gebiede is **Kenridge, Durbell, Durbanville Heuwels (nie verder as Tindaleweg nie), De Bron, Doordekraal, Welgemoed-Noord, Proteavallei, Kanonberg, Welgedacht, Van Riebeeckshof en Oude Westhof**. Leerders wat op die waglys geplaas is, sal teen Vrydag 30 September 2016 in kennis gestel word of hul aansoeke suksesvol was of nie.
4. **Finansiële Verpligting:**
 - 4.1 **Intreefooi (nie terugbetaalbaar):** 'n Eenmalige (nie terugbetaalbare) intreefooi van R500,00 per kind. **Neem asseblief kennis dat die intreefooi nie van toepassing is as u kind 'n huidige Pre-Graad R/Graad R-leerder is nie.**
 - 4.2 **Pre-Graad R & Graad R Heffing (Basiese Verpligte Heffing):** Die Pre-Graad R & Graad R heffing word jaarliks deur die Trustees bepaal. Tans (2016) beloop die heffings vir Pre-Graad R 17 650,00 per leerder per jaar en R 19 900,00 vir Graad R per leerder per jaar. Hierdie heffings is oor 'n tydperk van 10 maande per aftrekorder betaalbaar (1 Februarie – 1 November). Die betaling van die heffing is verder onderhewig aan die Skoolfooi Insamelingsbeleid. Heffings vir 2017 sal op 'n begrotingsvergadering wat later vanjaar sal plaasvind, hersien word.
5. Indien u aansoek goedgekeur word, sal u en u kind uitgenooi word om 'n Oriëntasiedag by ons skool op Saterdag 22 Oktober 2016 by te woon. 'n Kort vergadering sal in die skoolsaal plaasvind om die Keuse van Buitemuurse Aktiwiteite- en Koste-vorms te bespreek. Verdere inligting aangaande Oriëntasiedag en die voorbereiding vir die nuwe jaar, sal deel uitmaak van u aanvaardingsbrief. Skool begin op Woensdag, 11 Januarie 2017.

Ons vertrou dat u kind se leerervaring by Kenridge gelukkig en opvoedkundig stimulerend sal wees. Indien u enige verdere sake aangaande u kind met ons wil bespreek, sal ons u met graagte ontvang.

Die uwe



M. Alexander (Mev.)
Hoof van Pre-primêre Skool Kenridge



S. R. Smith (Mev.)
Skoolhoof
Laerskool Kenridge